

## ANTECEDENTES DE FECHU

**Primeru.-** L'artículu 4 del Estatutu d'Autonomía p'Asturies establez que'l bable ha gociar de protecció, y que s'ha promover el so usu, la so difusió nos medios de comunicació y la so enseñanza, respetando en tou casu les variantes locales y la voluntariedá nel so aprendimientu. Amás, añade qu'una llei del Principáu ha regular la protecció, usu y promoción del asturianu. Dende'l puntu de vista competencial, amás, l'artículu 10.21 del Estatutu recueye como competencia esclusiva de la nuestra comunidá autónoma'l fomentu y protecció del asturianu en toles variantes que, como modalidaes llingüístiques, s'usen nel territoriu del Principáu d'Asturies. En desenvolvimientu d'estes disposiciones estatutaries aprobóse la Llei 1/1998, de 23 de marzu, d'Usu y Promoción del bable/asturianu.

**Segundu.-** L'artículu 14 de la llei mentada establez esto:

*1. La convocatoria de subvenciones o ayudas a los medios de comunicación, producciones audiovisuales, cinematográfiques, fonográfiques o editoriales va poder ser específica pa producciones o publicaciones en bable/asturianu; nes demás publicaciones y producciones va fomentase la so presencia de forma non acotada a secciones o espacios determinaos.*

*2. Les empreses y empresarios, privaos o públicos, qu'usen el bable/asturianu na so publicidá, etiquetáu, correspondencia o documentación van poder ser igualmente beneficiarios de subvenciones y ayudas convocaes específicamente con esta mira.*

**Terceru.-** La xestión de la política llingüística ta incardinada n'ámbitu de la Viceconsejería de Cultura, Política Llingüística y Deporte en virtú de lo dispuesto nel Decretu 67/2023, de 11 d'agostu, pol que s'establez la estructura orgánica básica de la Presidencia del Principáu d'Asturies y los sos órganos de sofitu.

**Cuartu.-** Por Resolución de la Consejería de Cultura, Política Llingüística y Turismu de 20 de xunetu del 2023 (*BOPA* N.º 147, de 1 d'agostu del 2023) apruébense les bases reguladores pa la concesión de subvenciones, en réxime de concurrencia competitiva, pa proyectos y actividaes de normalización del asturianu y del gallego-asturianu o eonaviegu, promovíes por empreses privaes, o por fundaciones y asociaciones (d'equí p'alantre, "bases reguladores").

**Quintu.-** El Plan Estratéxicu de Subvenciones pal periodu 2023-2025 aprobóse por Resolución de 22 de febreru del 2023, de la Consejería de Cultura, Política Llingüística y Turismu (*BOPA* N.º 40, de 28 de febreru del 2023), que n'Anexu I incluye la convocatoria de subvenciones en réxime de concurrencia competitiva,

pa proyectos y actividaes de normalización del asturianu y del gallego-asturianu o eonaviegu, promovíes por empreses privaes, o por fundaciones y asociaciones.

## FUNDAMENTOS DE DERECHU

**Primeru.-** La Llei 38/2003, de 17 de payares, Xeneral de Subvenciones (d'equí p'alantre, LXS), establez n'artículu 22 que'l procedimientu ordinariu de concesión de subvenciones ha tramitase en réxime de concurrencia competitiva, quier dicise, al traviés de l'aprobación de la convocatoria pública correspondiente depués d'aprobar les sos bases reguladores. Amás, el Decretu del Principáu d'Asturies 71/1992, de 29 d'ochobre, pol que se regula'l Réxime Xeneral de Concesión de subvenciones (d'equí p'alantre, Decretu 71/1992), establez nos artículos 6.2 y 7 que l'otorgamientu de subvenciones innominaes y xenériques n'ámbitu de la Comunidá Autónoma del Principáu d'Asturies ha facese al traviés de convocatoria pública, depués d'aprobar les sos bases reguladores.

**Segundu.-** La competencia pa convocar la concesión de la subvención correspuende a la Viceconseyería de Cultura, Política Llingüística y Deporte, al amparu de lo dispuesto nel Decretu 67/2023, de 11 d'agostu, pol que s'establez la estructura orgánica básica de la Presidencia del Principáu d'Asturies y los sos órganos de sofitu, en correspondencia cola Resolución de 19 d'ochobre del 2023, del Presidente del Principáu d'Asturies, pol que se deleguen determinaes atribuciones de la Presidencia (*BOPA* n.º 210, de 02/11/2023).

**Terceru.-** L'autorización del gastu ye competencia de la persona titular de la Viceconseyería de Cultura, Política Llingüística y Deporte conforme a lo estableció n'art. 41 del Testu Refundíu del Réxime Económicu y Presupuestariu, aprobáu por Decretu Llexislativu del Principáu d'Asturies 2/1998, de 25 de xunu (TRREPPA), en correspondencia col artículu 7 de la Llei del Principáu d'Asturies 10/2022, de 30 d'avientu, de Presupuestos Xenerales pal 2023, y na Resolución mentada de 19 d'ochobre del 2023, del Presidente del Principáu d'Asturies, pola que se deleguen determinaes atribuciones de la Presidencia.

**Cuartu.-** La LXS afita n'artículu 23.2 el conteníu mínimu de les convocatories aprobaes pol órganu competente.

**Quintu.-** Esta convocatoria, desque empobinada a entidaes que desenvuelven actividaes económiques, ta sujeta al Reglamentu (UE) n.º 1407/2013 de la Comisión, de 18 d'avientu del 2013, relativu a l'aplicación de los artículos 107 y 108 del Tratáu de Funcionamientu de la Unión Europea a les ayudes *de minimis* (*DOUE* 352, de 24/12/2013), norma esta d'algame xeneral, aplicable directamente y obligatoria en tolos sos elementos.

**Sestu.-** Según l'artículo 30.1 del TRREPPA, son expedientes de tramitación antemanada de gastu aquellos que tengan que xenerar obligaciones económicas pa la Hacienda del Principáu d'Asturies y que s'entamen nel exerciciu presupuestariu inmediatamente anterior a aquel en que vaiga empezar a materializase la contraprestación. Nestos expedientes ha dase la circunstancia de qu'exista creitu afayadizo y abondo nos presupuestos xenerales del Principáu d'Asturies. N'apartáu 4 del artículo mentáu indica que nos expedientes de concesión de subvenciones va poder llegase a la resolución de concesión, qu'ha quedar sometida a la mesma condición suspensiva.

En resultes, vistos los preceptos llegalos mentaos y demás d'aplicación xeneral, al traviés d'esti escritu

### RESUELVO

**Primero.-** Autorizar un gastu destináu a esta convocatoria, por importe de CIENTU VENTI MIL EUROS (120.000,00 €), con cargu a los Presupuestos Xenerales del Principáu d'Asturies del 2024, según esta distribución:

- Llinia 1 (empreses): 70.000,00 € con cargu a l'aplicación presupuestaria 01.02.422R.472.022.
- Llinia 2 (entidaes ensin ánimu d'arriquecimientu): 50.000,00 € con cargu a l'aplicación presupuestaria 01.02.422R.482.140.

**Segundo.-** Aprobar la convocatoria pública de subvenciones en réxime de concurrencia competitiva pa proyectos y actividaes de normalización del asturianu y del gallego-asturianu o eonaviegu, promovíes por empreses privaes, o por fundaciones y asociaciones, que va desenvolverse nes condiciones que se recueyen como anexu a esta convocatoria.

**Tercero.-** Esta convocatoria queda condicionada a la existencia de creitu afayadizo y abondo nel momentu resolutoriu definitivu, entendiéndose, nel casu contrariu, revocáu esti alcuertu y anulaos tolos actos que del mesmu pudieren derivase, d'alcuertu colo dispuesto n'artículo 30 del Testu Refundíu del Réxime Económicu y Presupuestariu, aprobáu por Decretu Llexislativu del Principáu d'Asturies 2/1998, de 25 de xunu.

**Cuarto.-** Disponer la publicación del extractu d'esta convocatoria nel *Boletín Oficial del Principáu d'Asturies (BOPA)*, pudiendo consultase'l testu completu de la mesma na Base de Datos Nacional de Subvenciones (<http://www.pap.minhap.gob.es/bdnstrans/index>), d'alcuertu colo previsto nos artículos 18.2 y 20.8.a) de la LXS.

Esti actu pon fin a la vía alministrativa y contra él pue interponese:

- a) Recursu potestativu de reposición énte la consejera de Presidencia, Retu Demográficu, Igualdá y Turismu. El plazu pa la presentación d'esti recursu va ser d'un mes.
- b) Recursu contencioso-alministrativu énte la Sala de lo Contencioso-Alministrativu del Tribunal Superior de Xusticia del Principáu d'Asturies. El plazu pa la presentación d'esti recursu va ser de dos meses.

Estos dos recursos nun pueden simultaniase y el plazu pa la so interposición va cuntase, en dambos casos, dende l'otru día d'espublizase esta resolución nel *Boletín Oficial del Principáu d'Asturies* (d'alcuertu colo estableció n'artículu 28 de la Llei del Principáu d'Asturies 2/1995, de 13 de marzu, sobre Réxime Xurídicu de l'Alministración del Principáu d'Asturies; y n'artículu 123 de la Llei 39/2015, de 1 d'ochobre). Too esto ensin perxuiciu de que los interesaos puedan exercitar cualquier otru recursu que-yos paeza oportunu.

## ANEXU

### 1.- Oxetu, condiciones y finalidá de la subvención

1.1. Estes subvenciones tienen por oxetu'l fomentu de proyectos qu'ayuden a la normalización del asturianu y del gallego-asturianu o eonaviegu, promovíos por empreses privaes, o por fundaciones o asociaciones.

1.2. Los proyectos subvencionables han ser:

- a) Proyectos d'interés cultural, llingüísticu o social qu'usen l'asturianu o'l gallego-asturianu o eonaviegu, fechos por profesionales o empreses privaes, y qu'ayuden a la normalización d'estes llingües.
- b) Proyectos d'interés cultural, llingüísticu o social qu'usen l'asturianu o'l gallego-asturianu o eonaviegu, fechos por entidaes ensin ánimu d'arriquecimientu, y qu'ayuden a la normalización d'estes llingües.

Les definiciones de lo que s'entiende por proyectos d'interés cultural, llingüísticu o social recuéyense n'apartáu IV de les bases reguladores.

1.3. Nun se consideren proyectos subvencionables estos:

- Los presentaos por entidaes de titularidá pública o con participación pública.

- Los presentaos por partíos políticos.
- Los presentaos por sindicatos o asociaciones empresariales.
- Los presentaos por entidaes que tengan partida presupuestaria nominativa nos Presupuestos Xenerales del Principáu d'Asturies.
- Los que cunten con una convocatoria específica pa llingües propies.

1.4. Los proyectos subvencionables van ser los fechos nel periodu comprendíu ente'l 1 de xineru y el 5 d'avientu del 2024.

1.5. Les actividaes concretes sobre les que van poder tratar los proyectos subvencionables van ser estes:

- a) Diseñu de la imaxe corporativa, rotulaciones, campañaes publicitarias o acciones normalizadores asemeyaes n'asturianu o gallego-asturianu o eonaviegu.
- b) Charles, xornaes, seminarios, congresos y asemeyaos onde la llingua vehicular seya l'asturianu o'l gallego-asturianu o eonaviegu.
- c) Espectáculos artísticos en cualquier disciplina nos que la llingua usada seya l'asturianu o'l gallego-asturianu o eonaviegu.
- d) Certámenes musicales, audiovisuales o lliterarios n'asturianu o en gallego-asturianu o eonaviegu.
- e) Proyectos musicales o audiovisuales realizaos dafechu en llingua asturiana o en gallego-asturianu o eonaviegu.
- f) Publicaciones d'entidaes ensin ánimu d'arriquecimientu (non editoriales) feches n'asturianu o en gallego-asturianu o eonaviegu.

1.6. La finalidá d'estes ayudes, d'alcuertu colo estableció nel Plan Estratéxicu de Subvenciones mentáu, ye ayudar a dinamizar l'usu de les llingües propies en tolos ámbitos, fomentando l'usu de les nuestres llingües como vehículu d'espresión cultural, social o empresarial, cola mira d'algamar la normalización social del usu d'estes llingües en proyectos variaos fechos por profesionales, empreses privaes y entidaes ensin ánimu d'arriquecimientu.

## **2.- Llinies d'actuación subvencionables.**

### 2.1. Llinia 1: empreses.

Esta llinia d'ayudes ta empobinada a empreses o profesionales, tanto si se trata de persones físiques como si se trata de persones xurídiques.

## 2.2. Llinia 2: entidaes ensin ánimu d'arriquecimientu (asociaciones y fundaciones).

Esta llinia d'ayudes ta empobinada a asociaciones y fundaciones ensin ánimu d'arriquecimientu.

### **3.- Creitos presupuestarios y cantidá total máxima de les subvenciones**

#### 3.1. Llinia 1: empreses.

A esta llinia va destinase una cantidá total máxima de 70.000 € que va financiase con cargu a l'aplicación presupuestaria 18.04422R.472.022 de los Presupuestos Xenerales del Principáu d'Asturies pal 2024.

#### 3.2. Llinia 2: entidaes ensin ánimu d'arriquecimientu (asociaciones y fundaciones).

A esta llinia va destinase una cantidá total máxima de 50.000 € que va financiase con cargu a l'aplicación presupuestaria 18.04422R.482.140 de los Presupuestos Xenerales del Principáu d'Asturies pal 2024.

3.3. En dambos casos, la concesión de les ayudes va tar condicionada a la existencia de creitu afayadizo y abondo nel momentu de la resolución de concesión.

3.4. Nel casu de nun s'agotar tol creitu disponible nuna de les llinies, el remanente va poder destinase a financiar proyectos presentaos na otra llinia, siempre que cumplan tolos requisitos pa ser subvencionables, por orde de puntuación y hasta agotar el creitu total, depués de modificación presupuestaria tramitada con esta mira.

3.5. L'importe máximu que va poder percibir un proyectu van ser 30.000 €.

### **4.- Requisitos pa solicitar la subvención y forma d'acreditalos**

4.1. La solicitú ha presentase nel modelu normalizáu disponible na sede electrónica del Principáu d'Asturies ([www.Asturies.es](http://www.Asturies.es)), portal onde ta publicada la ficha de serviciu, y onde se va alcontrar amás el testu íntegu de la resolución de convocatoria, les bases reguladores y información complementaria.

4.2. Ha presentase una solicitú por cada proyectu. Nun van poder presentase más de dos proyectos por cada persona o entidá solicitante.

4.3. La solicitú ha dir necesariamente acompañada de los documentos que s'indiquen darréu:

#### 4.3.1 Llinia 1: empreses.

a) Nel casu de persones físiques (empresarios o profesionales):

- Copia del DNI (\*).
- Documentu actualizáu acreitativu de tar dada d'alta n'epígrafe correspondiente del IAE (\*) y na Seguridá Social como empresa (\*).

b) Nel casu d'empresarios persones xurídiques:

- Copia del NIF (\*).
- Copia d'escritura de constitución, estatutos sociales y les sos modificaciones.
- Acreitación de la condición de representante a la fecha de presentación de la solicitú.
- Copia del DNI de la persona qu'actúe como representante de la entidá (\*).
- Documentu actualizáu acreitativu de tar dada d'alta n'epígrafe correspondiente del IAE (\*).

En dambos casos, y nel supuestu de solicitúes de subvención d'importe superior a 30.000 €, ha acreitase'l cumplimientu de los plazos de pagu previstos na Llei 3/2004, de 29 d'avientu, pola que s'establecen midíes de llucha contra la morosidá nes operaciones comerciales. Esta acreitación ha facese nos términos previstos n'artículu 13.3.bis LXS.

#### 4.3.2. Llinia 2: entidaes ensin ánimu d'arriquecimientu (asociaciones y fundaciones).

- Copia del NIF (\*).
- Copia de la documentación constitutivo y de los estatutos de la entidá.
- Inscripción nel rexistru d'asociaciones o fundaciones correspondiente, según proceda.
- Documentación xustificativo de que s'aprobaron y presentaron al Protectoráu les cuentas anuales, pa les fundaciones.
- Acreitación de la condición de representante a la fecha de presentación de la solicitú.
- Copia del DNI de la persona qu'actúe como representante de la entidá (\*).

#### 4.3.3. Comunes pa les dos llinies:

4.3.3.1. Ficha d'acreedores rellenada correctamente y tramitada pola entidá bancaria (namás cuando se solicite subvención del Principáu d'Asturies pela primer vez, o cuando hubiere dalgún cambéu que se tenga que señalar nella).

4.3.3.2. Proyeutu detalláu, qu'ha tener esti conteníu mínimu y imprescindible:

a) Memoria con estos conteníos:

Imaxe corporativa, rotulaciones, publicidad	<ol style="list-style-type: none"><li>1. Descripción curtia del proyectu.</li><li>2. Muestras de les imáxenes y testos que se van usar.</li><li>3. Plazu d'execución.</li><li>4. Medios personales y materiales que se van usar.</li><li>5. Finalidá que se quier llograr.</li><li>6. Costu estimáu.</li><li>7. Otros aspectos d'interés.</li></ol>
Pa charles, xornaes, congresos y asemeyaos	<ol style="list-style-type: none"><li>1. Denominación de l'actividá.</li><li>2. Descripción de los conteníos que se van tratar.</li><li>3. Ponentes y/o participantes que van intervenir, perfil profesional de caún d'ellos y calendariu aproximáu d'intervenciones y actividaes.</li><li>4. Feches y sitiu de realización.</li><li>5. Medios personales y materiales que se van usar.</li><li>6. Públicu al que se destina.</li><li>7. Finalidá que se quier llograr.</li><li>8. Costu estimáu.</li><li>9. Otros aspectos d'interés.</li></ol>
Pa espectáculos artísticos	<ol style="list-style-type: none"><li>1. Denominación de l'actividá.</li><li>2. Descripción del espectáculu que se va desenvolver.</li><li>3. Persones o grupos intervinientes nél, trayectoria profesional de caún.</li><li>4. Feches y sitiu de realización.</li><li>5. Medios personales y materiales que se van usar.</li><li>6. Públicu al que se destina.</li></ol>



	<ul style="list-style-type: none"> <li>7. Finalidá que se quier llograr.</li> <li>8. Costu estimáu.</li> <li>9. Otros aspectos d'interés.</li> </ul>
Certámenes lliterarios o musicales	<ul style="list-style-type: none"> <li>1. Denominación de l'actividá.</li> <li>2. Memoria detallada del so conteníu.</li> <li>3. Persones intervinientes nella, trayectoria profesional de caúna.</li> <li>4. Feches y sitiu de realización.</li> <li>5. Medios personales y materiales que se van usar.</li> <li>6. Públicu al que se destina.</li> <li>7. Finalidá que se quier llograr.</li> <li>8. Costu estimáu.</li> <li>9. Otros aspectos d'interés.</li> </ul>
Proyectos musicales	<ul style="list-style-type: none"> <li>1. Descripción del proyectu.</li> <li>2. Persones o grupos intervinientes nél, trayectoria profesional de caún.</li> <li>3. Plazu aproximáu pal desenvolvimientu del proyectu.</li> <li>4. Medios personales y materiales que se van usar.</li> <li>5. Públicu al que se destina.</li> <li>6. Finalidá que se quier llograr.</li> <li>7. Costu estimáu.</li> <li>8. Otros aspectos d'interés.</li> </ul> <p>LA MEMORIA HA ACOMPAÑASE D'UNA MAQUETA QUE DEXE EVALUAR LA CALIDÁ DEL PROYECTU MUSICAL PRESENTÁU.</p>
Publicaciones	<ul style="list-style-type: none"> <li>1. Títulu, autor/a y tipu d'obra.</li> <li>2. Muestra que dea idea abonda del conteníu de la publicación.</li> <li>3. Reseña curtia del autor/a.</li> <li>4. Característiques técniques de la publicación.</li> <li>5. Presupuestu equilibráu, detallando gastos y ingresos y aportación de la persona solicitante.</li> <li>6. Otros aspectos d'interés.</li> </ul>

b) Llista de persones que van intervenir nel projectu, indicando la so experiencia y cualificación. Identificación de la persona o persones responsables, detallando tamién la so experiencia y cualificación.

c) Calendariu orientativu d'actuaciones.

d) Presupuestu equilibráu, qu'incluya les partíes que lu integren, recoyendo los gastos y ingresos de l'actividá pa la que se solicita ayuda, onde se recueya l'aportación económica de la persona o entidá solicitante pal desenvolvimientu de l'actividá, y estremando los gastos directos de los indirectos. Los gastos indirectos nun van poder superar el 40 % del presupuestu aprobáu. Tocante al porcentaxe de financiamientu propiu dientro del projectu, nun s'esixe un mínimu.

4.3.3.3. Certificación acreitativa de que la entidá ta al corriente de les sos obligaciones tributaries, de nun ser deudora cola Hacienda del Estáu nin cola Hacienda del Principáu d'Asturies y del pagu de cotizaciones a la Seguridá Social (\*).

4.3.3.4. Declaración responsable de la persona que represente a la entidá, relativa a qu'esta última cumple toles condiciones pa ser beneficiaria de la subvención, con mención espresa a que nun ta incurso nes prohibiciones pa obtener la condición de beneficiaria, previstes n'artículo 13 de la LXS, y que xustificó les subvenciones y ayudes concedíes enantes pola Comunidá Autónoma.

4.3.3.5. Declaración responsable relativa a otres subvenciones, ayudes, ingresos o recursos solicitaos y, si ye'l casu, concedíes pa la mesma finalidá, por cualquier alministración pública o entes públicos o privaos, nacionales o internacionales, con indicación de la entidá concedente, fecha y importe; nel casu contrariu, declaración de que nun solicitó nenguna clas d'ayuda pa la realización d'esta actividá.

4.3.3.6. Declaración referente a toles demás ayudes *de minimis* recibíes nos dos exercicios fiscales anteriores y nel exerciciu fiscal en cursu que tean suxetes al Reglamentu (UE) n.º 1407/2013 de la Comisión, de 18 d'avientu del 2013, o a otros reglamentos *de minimis*.

4.4. La presentación de la solicitú pola entidá solicitante va suponer, sacante manifestación en contrario, l'autorización al órganu xestor pa recoyer la información correspondiente cola mira de verificar los requisitos anteriores marcaos con asteriscu (\*). Sí'l solicitante manifestare oposición espresa a la consulta o obtención al

traviés de la ferramienta d'interoperabilidá ente les alministraciones públiques de la documentación señalao enriba, va tener que lo presentar.

Si l'interesáu nun diere'l consentimientu, nin tampoco presentare los documentos marcaos con asteriscu (\*) acreitativos del cumplimientu de los requisitos mentaos, va ser causa pa requeri-y los mesmos d'alcuertu colo previsto n'artículu 68 LPAC.

## **5. Órganos competentes pa la instrucción y resolución del procedimientu**

5.1. La instructora del procedimientu va ser la persona titular del Serviciu de Normalización Llingüística.

5.2. Va ser competente pa resolver el procedimientu de concesión de les subvenciones la persona titular de la Viceconsejería de Cultura, Política Llingüística y Deporte, depués d'informe de la comisión de valoración.

5.3. La comisión de valoración va tar presidida pola persona titular de la Dirección Xeneral d'Acción Cultural y Política Llingüística (o persona en quien delegue), y integrada por un mínimu de trés y un máximu de cinco persones que van actuar en calidá de vocales, de les que lo menos dos han ser personal adscrito al órganu instructor y les demás van poder ser persones vinculaes al ámbitu de la llingua o la cultura asturianas. Va actuar como secretariu/a un emplegáu o una emplegada pública con adscripción a esta Dirección Xeneral.

Nel casu d'ausencia o enfermedá y, en xeneral, cuando se dea dalguna causa xustificada, los miembros titulares de la comisión de valoración han sustituyise por quien l'órganu competente designe como suplentes.

5.4. El/La presidente/a de la comisión de valoración va poder convocar, en calidá d'asesores, a otres persones a tenor de les característiques de la materia a analizar, que van actuar con voz, pero ensin votu.

5.5. Tanto la persona instructora del procedimientu como la comisión de valoración van poder pidir aclaraciones sobre aspectos de la documentación que presenten duldes qu'impidan la so correcta apreciación y evaluación. Nel casu de nun contestar a la petición d'aclaraciones, o d'aclaración insuficiente, nun se van tener en cuenta estos aspectos del proyectu.

5.6. El funcionamientu de la Comisión de Valoración va rexise polo previsto pa los órganos colexaos nos artículos 15 y siguientes de la Llei 40/1015, de 1 d'ochobre, de Réxime Xurídicu del Sector Públicu, en tolo non previsto espresamente nestes bases o na convocatoria.

5.7. La comisión de valoración designada en cada convocatoria también va tener competencias en materia d'interpretación d'estes bases nel so ámbitu d'actuación, ensin perjuiciu de les competencias propias del órganu concedente.

## **6.- Plazu y forma de presentación de solicitúes**

6.1. Les solicitúes han presentase nel plazu de 20 días hábiles cuentaos dende'l día depués de publicase l'extractu d'esta convocatoria nel *BOPA*, según modelu normalizáu que s'atopa disponible na ficha de serviciu publicada na sede electrónica del Principáu d'Asturies (<https://sede.Asturies.es>). P'atopala, va poder metese'l códigu AYUD0447 nel buscador de la cabecera (asitiáu na parte cimera derecha de la páxina).

6.2. Les solicitúes han presentase d'alguerdu col artículu 16 de la Llei 39/2015, de 1 d'ochobre, ensin perjuiciu de lo dispuesto n'artículu 14.2 del mesmu testu llegal tocante a la obligación de rellacionase de manera electrónica pa los suxetos indicaos nél.

Si dalguna de les entidaes solicitantes obligaes a presentar la solicitú de manera electrónica lo fai presencialmente, va requerise pa que lo igüe presentándola electrónicamente. Pa estos efectos, va considerase como fecha de presentación aquella na que se fixere la iguadura, d'alguerdu colo señalao n'artículu 68.4 de la Llei 39/2015, de 1 d'ochobre.

6.3. Si la solicitú nun cumple tolos requisitos establecíos na norma de convocatoria, l'órganu competente va requerir a la persona o entidá interesada pa que la igüe nel plazu máximu y improrrogable de 10 días, con indicación de que, si nun lo fixere, va considerase que desistió del so pidimientu, depués de resolución qu'ha dictase nos términos previstos n'artículu 68 de la Llei 39/2015, de 1 d'ochobre.

## **7.- Procedimientu de concesión**

7.1. El procedimientu de concesión de subvenciones va tramitase en réxime de concurrencia competitiva, na forma establecida n'artículu 24 de la LXS, coles precisiones conteníes n'apartáu XII de les bases reguladores.

La resolución del procedimientu va publicase nel *Boletín Oficial del Principáu d'Asturies*. Esta publicación va producir los efectos propios de la notificación, y esto de conformidá colo establecío n'artículu 45.1 y concordantes de la Llei 39/2015, de 1 d'ochobre.

Esta resolución pon fin a la vía alministrativa y contra ella pue interponese recursu contencioso-alministrativu o, si ye'l casu, recursu potestativu de reposición qu'ha interponese énte l'órganu que dictó la resolución.

7.2. Va dase prioridá a los proyectos que, superando la llende mínima de **50 puntos**, algamen más puntuación. Asina, va financiase'l 100 % del presupuestu aprobáu (o del importe solicitáu, si fore menor al presupuestu aprobáu) de cada proyectu, según l'orde de puntuaciones obteníes, de más a menos, hasta agotar el creitu disponible na convocatoria (al proyectu calificáu n'últimu puestu d'ente los qu'algamen a percibir subvención va abonase hasta onde llegue'l creitu disponible).

7.3. El plazu máximu pa resolver y notificar la resolución del procedimientu va ser de seis meses, a cuntar a partir de la publicación del extractu d'esta convocatoria nel *Boletín Oficial del Principáu d'Asturies*.

## 8. Criterios de valoración

D'alcuerdu col apartáu XI de les bases reguladores, la comisión va valorar los proyectos según los criterios afitaos nelles, hasta un máximu de 100 puntos y siguiendo esti detalle:

**a) Grau de corrección llingüística del proyectu presentáu..... hasta 20 puntos.**

Va valorase hasta un máximu de 20 puntos, d'alcuerdu con esta ponderación:

a.1) **Escelente** corrección ortográfica, sintáctica y riqueza léxica del proyectu presentáu: hasta 20 puntos.

a.2) **Bona** corrección ortográfica, sintáctica y riqueza léxica del proyectu presentáu: hasta 12 puntos.

a.3) **Suficiente** corrección ortográfica, sintáctica y riqueza léxica del proyectu presentáu: hasta 5 puntos.

a.4) **Insuficiente** corrección ortográfica, sintáctica y riqueza léxica del proyectu presentáu: 0 puntos. Van recibir tamién 0 puntos aquellos proyectos onde se note claramente l'usu de traductores automáticos ensin revisión posterior.

Nun van ser subvencionables aquellos proyectos que se califiquen con 0 puntos nesti apartáu.

**b) Interés del proyectu a subvencionar dende'l puntu de vista cultural, social y/o llingüísticu..... hasta 20 puntos.**

Va valorase hasta un máximu de 20 puntos, d'alguerdu con esta ponderación:

b.1) El proyectu supón una **contribución importante** pa la recuperación, conservación y/o difusión del patrimoniu cultural asturianu en toles sos manifestaciones; a la normalización del usu de la llingua asturiana o del gallego-asturianu o eonaviegu en cualquier ámbitu; o a ameyorar les condiciones de vida y/o les circunstancies de colectivos, poblaciones o de la ciudadanía en xeneral: hasta 20 puntos.

b.2) El proyectu **contribuye en dalguna midida** a la recuperación, caltenimientu y/o difusión del patrimoniu cultural asturianu en toles sos manifestaciones; a la normalización del usu de la llingua asturiana o del gallego-asturianu o eonaviegu en cualquier ámbitu; o a ameyorar les condiciones de vida y/o les circunstancies de colectivos, poblaciones o de la ciudadanía en xeneral: hasta 10 puntos.

b.3.) El proyectu **nun contribuye de nenguna manera** a la recuperación, caltenimientu y/o difusión del patrimoniu cultural asturianu en toles sos manifestaciones; a la normalización del usu de la llingua asturiana o del gallego-asturianu o eonaviegu en cualquier ámbitu; o a ameyorar les condiciones de vida y/o les circunstancies de colectivos, poblaciones o de la ciudadanía en xeneral: 0 puntos.

Nun van ser subvencionables aquellos proyectos que se califiquen con 0 puntos nesti apartáu.

**c) Grau de difusión del proyectu, entendiendu por talo'l potencial pa llegar a más o menos persones.....hasta 20 puntos.**

Va valorase hasta un máximu de 20 puntos, con esta ponderación:

c.1) El proyectu ye susceptible de difundise tanto dientro como fuera de la nuestra comunidá autónoma (por exemplu, al traviés d'una páxina web, redes sociales...): 20 puntos.

c.2) El proyectu ye susceptible de difundise en tola comunidá autónoma, pero non fuera d'ella: 15 puntos.

c.3) El proyectu ye susceptible de difundise en dellos conceyos de la nuestra comunidá autónoma, ensin llegar a toa ella: 10 puntos.

c.4) El proyectu nun va tener proyección acullá de les llendes d'un conceyu asturianu: 5 puntos.

**d) Esperiencia y trayectoria de la persona o persones responsables del proyectu n'ámbitu de les llingües propies y de la cultura asturiana..... hasta 10 puntos.**

d.1) La persona o persones responsables del proyectu tienen una trayectoria profesional n'ámbitu de les llingües propies y la cultura asturiana de más de trés años (creación, enseñanza, normalización, edición, xestión d'actividaes, etc.).

d.2) La persona o persones responsables del proyectu tienen una trayectoria profesional n'ámbitu de les llingües propies y la cultura asturiana d'un a trés años (creación, enseñanza, normalización, edición, xestión d'actividaes, etc.).

d.3) La persona o persones responsables del proyectu nun tienen una trayectoria profesional n'ámbitu de les llingües propies y la cultura asturiana de más de trés años (creación, enseñanza, normalización, edición, xestión d'actividaes, etc.): 0 puntos.

**e) Innovación creativa, artística, social o empresarial del proyectu na promoción del usu de les llingües propies y apuesta pola dixitalización..... hasta 10 puntos.**

e.1) Van recibir hasta 5 puntos aquellos proyectos que resulten novedosos y orixinales tocante al so conteníu o puesta en práctica (por nun tener constancia de que se desenvolvieren hasta agora nel Principáu d'Asturies proyectos en términos asemeyaos).

e.2) Van recibir, amás, hasta 5 puntos aquellos proyectos que supongan un apuesta decidíu pola dixitalización.

**f) Perspectiva de xéneru, entendiendu por talo la presencia de muyeres nel equipu de trabayu y la contribución del proyectu a algamar la igualdá efectiva de xéneru..... hasta 10 puntos.**

f.1) El personal qu'intervién nel proyectu, incluyendo los responsables d'ésti y los demás participantes, cunta polo menos con un 50 % de muyeres: el proyectu va recibir 5 puntos.

f.2) Van recibir 5 puntos adicionales aquellos proyectos qu'ayuden de manera efectiva a que se llogre la igualdá de xéneru ente los colectivos a los que van empobinaos.

**g) Domiciliu social de la entidá promotora del proyectu n'ámbitu rural asturianu, nel contestu de les polítiques al respective del retu demográficu nel Principáu d'Asturies..... hasta 10 puntos.**

g.1) Si la entidá promotora del proyectu tien el domiciliu social nun conceyu asturianu con población superior a 10.000 habitantes, va recibir 3 puntos.

Les entidaes domiciliaes nos núcleos urbanos de Uviéu, Xixón y Avilés nun van recibir puntuación nesti apartáu.

g.2) Si la entidá promotora del proyectu tien el domiciliu social nun conceyu asturianu con población ente 5.000 y 10.000 habitantes, va recibir 6 puntos.

g.3) Si la entidá promotora del proyectu tien el domiciliu social nun conceyu asturianu con población inferior a 5.000 habitantes, va recibir 10 puntos.

P'algamar subvención, va ser menester que los proyectos reciban, como mínimu, 50 puntos.

## **9.- Pagu de la subvención**

9.1. Con calter xeneral, el pagu de les subvenciones va facese efectivu depués de xustificase na forma establecida n'apartáu XVI de les bases reguladores, al traviés de tresferencia bancaria a la cuenta asignada pola persona beneficiaria.

9.2. Les subvenciones concedíes con un importe que nun supere los 6.010,12 € van pagase automáticamente depués de la firma de la resolución de la concesión, ensin que seya esixible la presentación de garantía, sacante qu'arrenuncie espresamente'l beneficiariu dientro de los 15 días dende la publicación de la resolución de concesión nel *BOPA*.

9.3. Les subvenciones por importe superior a 6.010,12 € van poder pagase tamién de manera antemanada, depués del pidimientu y presentación de la garantía correspondiente. Too esto de conformidá colo dispuesto na Resolución de 11 de febreru del 2000, de la Consejería de Hacienda, pola que se regula'l réxime de garantías pal pagu antemanáu de subvenciones y les sos modificaciones posteriores.

9.4. Pa proceder al pagu de la subvención concedida va precisase comprobar que la persona o entidá beneficiaria ta al corriente de les sos obligaciones tributaries y cola Seguridá Social y que nun tien deudes cola Hacienda del Principáu d'Asturies,



quitando d'esta obligación cuando la cantidá de la subvención, por persona beneficiaria y añu, nun pase de 3.005,06 €, tal y como s'establez n'artículu 10.3 del Decretu del Principáu d'Asturies 71/1992, de 29 d'ochobre.

9.5. El pagu antemanáu de la subvención nun quita de la obligación d'acreditar en plazu'l cumplimientu de les condiciones establecíos na resolución de concesión.

#### **10.- Xustificación de la subvención**

La xustificación ha llevase a cabu na forma establecida n'apartáu XVI de les bases reguladores, pol sistema de cuenta xustificativa; en concreto, la llista clasificada de gastos y inversiones de l'actividá ha presentase según modelu que s'atopa disponible na ficha de serviciu publicada na sede electrónica del Principáu d'Asturies (<https://sede.Asturies.es>). P'atopala, va poder metese'l códigu AYUD0447 nel buscador de la cabecera (asitiáu na parte cimera derecha de la páxina).

La fecha tope pa la xustificación de les ayudes concedíos va ser el 5 d'avientu del 2024.